

## 八道命籍

八道命籍一名八間一名八達一名八解纏綿釋結謝罪延福妙經太素三元君受於自然之章封於太上靈都紫房之內金章玉華三百人侍衛典香東海小童四極真人西城王君封於峨嵋之山西室之中萬劫一傳有玄名帝簡紫字青宮玉藏之人千年之內聽得三傳上學之子不得此文虛困山林終不得道所謂八道者日月四時八節所行也日行赤道月行黃道黃赤二道陰陽之所恒行至於立春春分日月行青道二出黃立夏夏至日月行赤道二出黃立秋秋分日月行白道二出黃立冬冬至日月行黑道二出黃北此八道也日月行八道之日各有

道藏輯要

十  
雲笈七籤

卷

井集三

變化翾飛蠕動含炁之流草木飛沈隨緣感應改故易新輕者或更重重者或更輕善惡回換炁象之運自然而然上學真人因變行化習吉除凶進善黜惡申明棄闇人正治邪練僞成真厲思登聖其法高妙茲道通玄故曰八達至極無窮矣

一道命籍立春清朝北望有紫綠白雲者是太上三元君三素飛雲也正存之叩頭搏頰各九心禮四拜再密咒曰曾孫名今曰幸遇三元君出行願得長生侍給輪轂餘所言隨人意也某病乞差某厄乞度某災乞消某事乞果三見雲舉白日昇仙不須復存思千百所施爲行此必有仙錄是故謂之八道命籍也二道命籍春分夜半子時東北望有玄青黃雲是太微天帝君

三素雲也存思密咒皆如上法

三道命籍立夏清旦北望有紫青黃雲者是太極上真君三元  
內宮真人三素雲也存思密咒皆如上法

四道命籍夏至清旦南望有赤白青雲者是扶桑大帝君三素  
雲也存禮密咒皆如上法

五道命籍立秋清旦正西望有白赤紫雲者是太素真人天皇  
白帝君三素雲也存禮密咒皆如上法

六道命籍秋分清旦南望有素赤黃雲者是南極真人上皇赤  
帝三素雲也存禮密咒皆如上法

七道命籍立冬清旦西南望有綠紫青雲者是上清真人帝君  
道藏輯要

卷三十一 雲笈七籤

全

井集三

皇祖三素雲也存禮密咒皆如上法

八道命籍冬至清旦正東望有朱碧黃雲者是太霄玉妃太虛  
上真人三素雲也存禮密咒皆如上法

右八道命籍之日月未至一二日先沐浴燒香以待至日依時  
出望一食頃還室陰雨則不望非其日忽見此雲禮咒如上三  
倍勝於其日也凡先身今身前世今世罪結不除謾謝不得原  
恕賒遲功行難進魔試不知多致退落衰老易至求昇難期一  
去長夜幽苦未央上學之士悟此驚心誓志感玄徹靈能得命  
籍的斷罪根解釋惡結滋長善源羣邪不敢干得真必速諦念  
密修卽有驗矣